



Broj/ Број : 02/2-50-1-69-37/05  
Sarajevo/ Сарајево : 12. 7. 2005.

## **Z A P I S N I K**

### **37. sjednice Komisije za vanjsku i trgovinsku politiku Doma naroda Parlamentarne skupštine BiH održane 8. 7. 2005.**

Tridesetsedmu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Velimir Jukić, Osman Brka i Ruža Stojanović, kao i Nevenka Savić, sekretar Komisije.

Osim navedenih, sjednici su, u svojstvu predstavnika predlagača, prisustvovali: g. Tomislav Limov, delegat; g. Anto Grbić, savjetnik u Predsjedništvu BiH; g. Drago Borovčanin, rukovodilac Odjela u Ministarstvu za ljudska prava i izbjeglice; g. Mensur Šehagić, rukovodilac Odjela u Ministarstvu vanjske trgovine i ekonomskih odnosa; Kasim Bajramović, rukovodilac Odjela u Ministarstvu finansija i trezora; g-đa Zorica Plakalović iz Ministarstva komunikacija i prometa.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

## **DNEVNI RED**

1. Usvajanje zapisnika sa 34., 35. i 36. sjednice Komisije;
2. Prijedlog zakona o izmjenama i dopunama Zakona o akcizama Bosne i Hercegovine – predlagač delegat Tomislav Limov;
3. Prijedlog zakona o duhanu - predlagač delegat Tomislav Limov;
4. Prijedlog zakona o akcizama na duhanske proizvode – predlagač delegat Tomislav Limov;
5. Saglasnost za ratifikaciju Sporazuma između Vijeća ministara BiH i Vlade Republike Hrvatske o povratku izbjeglih osoba iz Bosne i Hercegovine i Hrvatske – predlagač Predsjedništvo BiH;
6. Saglasnost za ratifikaciju Sporazuma između Vijeća ministara BiH i Vlade Ruske Federacije o međunarodnom cestovnom saobraćaju - predlagač Predsjedništvo BiH;

7. Saglasnost za ratifikaciju Osmog amandmana na Ugovor o donaciji između Bosne i Hercegovine i Sjedinjenih Američkih Država za Program finansiranja rekonstrukcije – Program poslovnog razvoja - predlagač Predsjedništvo BiH;
8. Saglasnost za ratifikaciju Sporazuma između Vijeća ministara BiH i Vlade Ruske Federacije o formiranju međuvladine bosanskohercegovačko-ruske komisije za trgovinsku i ekonomsku saradnju - predlagač Predsjedništvo BiH;
9. Saglasnost za ratifikaciju Sporazuma između Vijeća ministara BiH i Vlade Ruske Federacije o trgovini i ekonomskoj saradnji - predlagač Predsjedništvo BiH;
10. Tekuća pitanja:
  - Posjeta Upravi za indirektno oporezivanje;
  - Informacija o stanju bilateralnih sporazuma koje je Bosna i Hercegovina zaključila sa Republikom Hrvatskom i Srbijom i Crnom Gorom o reguliranju pograničnog prometa i zajedničkih graničnih prijelaza – informacija Ministarstva vanjskih poslova.

Dnevni red je jednoglasno usvojen.

#### **Ad. 1. Usvajanje zapisnika sa 34., 35. i 36. sjednice Komisije**

Zapisnik sa 34. sjednice Komisije jednoglasno je usvojen.

Zapisnik sa 35. sjednice Komisije jednoglasno je usvojen.

Zapisnik sa 36. sjednice Komisije jednoglasno je usvojen.

#### **Ad. 2. Prijedlog zakona o izmjenama i dopunama Zakona o akcizama Bosne i Hercegovine – predlagač delegat Tomislav Limov**

Predsjedavajući Komisije upoznao je prisutne sa dosadašnjim tokom procedure razmatranja ovog Prijedloga zakona. Zatim je dao riječ predlagaču delegatu Tomislavu Limovu.

Predlagač je iznio glavne razloge koji su ga rukovodili da ponese prijedlog ovog zakona a to su: smanjenje uvoza, posebno proizvoda koje tržištu BiH nude domaći proizvođači; smanjenje deficita platnog prometa BiH koji je za 2004. godinu iznosio oko 6 milijardi KM; povećanje pokrivenosti uvoza izvozom koje iznosi samo oko 30%; zaštita domaće proizvodnje bez čijeg spašavanja Bosni i Hercegovini prijeti bankrot; povećanje budžetskih sredstava koje omogućava usmjeravanje tih sredstava u razvojne projekte, programe poticaja domaće proizvodnje i aktivniju socijalnu politiku.

G. Čengić je rekao da podržava motive i razloge predlagača, te da, s obzirom da je učestvovao u raspravi prilikom usvajanja Zakona, snosi dio odgovornosti što izmjene i dopune na Zakon nisu do danas usvojene. On je podvukao činjenicu da se Vijeće ministara BiH nije očitovalo o Prijedlogu zakona, a Uprava za indirektno oporezivanje je iznijela stav da «zakon treba povući iz parlamentarne procedure».

G. Radovanović je za postizanje kompromisa po ovom pitanju i smatra da ne treba zanemariti stav Uprave za indirektno oporezivanje.

G. Spajić je istakao potrebu reguliranja ove problematike i predložio da se postigne dogovor predsjedavajućeg Doma naroda i predsjedavajućeg Vijeća ministara BiH po ovom pitanju.

G. Bajramović je predložio da se u razgovor uključe i predstavnici Uprave za indirektno oporezivanje.

Na kraju diskusije Komisija je jednoglasno usvojila sljedeće zaključke:

- Predlaže se predsjedavjućem Doma naroda i zadužuje se predsjedavjući Komisije da u roku od sedam dana obave razgovor sa predsjedavjućim Vijeća ministara BiH o načinu uvođenja u proceduru Prijedloga zakona o izmjenama i dopunama Zakona o akcizama BiH, a u vezi sa Zaključkom Parlamentarne skupštine BiH prilikom usvajanja Zakona o akcizama BiH koji glasi: “Zahtjeva se od Vijeća ministara BiH i Upravnog odbora Uprave za indirektno oporezivanje da najkasnije do 31. 01. 2005. godine sačine i dostave u parlamentarnu proceduru Prijedlog zakona o izmjenama i dopunama Zakona o akcizama BiH kojim će se proširiti predmet oporezivanja u skladu sa diskusijama i prijedlozima poslanika i delegata iznesenim na sjednicama komisija i domova, s posebnim osvrtom na problematiku koju su tretirali amandmani uloženi od strane poslanika i delegata.”;
- Predsjedavjući Komisije će na prvoj narednoj sjednici upoznati članove Komisije o rezultatima razgovora i aktivnostima koje će biti preduzete na rješavanju ovog pitanja.

### **Ad. 3. Prijedlog zakona o duhanu - predlagač delegat Tomislav Limov**

Predlagač, g. Limov je u uvodnom izlaganju istakao da ovaj zakon nema «političkih problema» za usvajanje, pa se po tome razlikuje od prethodno razmatranog. On je rekao da je razgovarao sa predstavnicima proizvođača, prerađivača, trgovaca i privrednih komora prilikom pripreme zakona. Od svih je dobio podršku, a kao glavne razloge za donošenje zakona navodi zaštitu domaćih sorti duhana, prije svega hercegovačkog ravnjaka; zaštitu domaće primarne proizvodnje duhana i domaće duhanske industrije; upravni nadzor tijela uprave nad proizvodnjom i prometom duhanskih proizvoda; povećanje domaće proizvodnje radi smanjenja uvoza i platnog deficita.

G. Šehagić je informirao članove Komisije da je Ministarstvo vanjske trgovine i ekonomskih odnosa dostavilo Vijeću ministara BiH informaciju – stav o ovoj problematici, koja je, prema njegovim informacijama, usvojena na sjednici Vijeća ministara 4. 7. o. g., ali u Parlamentarnu skupštinu BiH nije stigla. U informaciji je navedena procedura koju je potrebno ispoštovati prilikom usvajanja zakona, a ona podrazumjeva i saglasnost entiteta i Brčko Distrikta.

G-đa Stojanović je podržala informaciju Ministarstva, naročito u dijelu koji se odnosi na traženje saglasnosti entiteta za prenošenje nadležnosti na državni nivo.

Nakon diskusije, članovi Komisije su usvojili sljedeće zaključke:

1. Predlaže se predsjedavjućem Doma naroda i zadužuje se predsjedavjući Komisije da u roku od sedam dana obave razgovor sa predsjedavjućim Vijeća ministara BiH o izradi Zakona o duhanu i njegovom što skorijem stavljanju u proceduru;
2. Predsjedavjući Komisije će na prvoj narednoj sjednici upoznati članove Komisije o rezultatima razgovora;
3. Komisija će uputiti dopis Kolegiju Doma naroda sa prijedlogom da se kao tačka dnevnog reda razmatra inicijativa da nadležne institucije preduzmu sve potrebne aktivnosti na zaštiti hercegovačkog ravnjaka kao autentične sorte duhana.

#### **Ad. 4. Prijedlog zakona o akcizama na duhanske proizvode - predlagač delegat Tomislav Limov**

Predlagač je iznio uvodno izlaganje o razlozima za donošenje ovog zakona. Članovi Komisije su konstatali da je preduslov za ovaj zakon usvajanje Zakona o duhanu. Ova problematika bi se mogla regulirati i Zakonom o izmjenama i dopunama Zakona o akcizama.

Na kraju diskusije, članovi Komisije su jednoglasno usvojili sljedeće zaključke:

- Predlaže se predsjedavajućem Doma naroda i zadužuje se predsjedavajući Komisije da u roku od sedam dana obave razgovor sa predsjedavajućim Vijeća ministara BiH o načinu zakonskog reguliranja akciza na duhanske proizvode;
- Predsjedavajući Komisije će na prvoj narednoj sjednici upoznati članove Komisije o rezultatima razgovora;

#### **Ad. 5. Saglasnost za ratifikaciju Sporazuma između Vijeća ministara BiH i Vlade Republike Hrvatske o povratku izbjeglih osoba iz Bosne i Hercegovine i Hrvatske – predlagač Predsjedništvo BiH**

O Sporazumu su govorili i na pitanja članova Komisije odgovorili predstavnici predlagača, g. Borovčanin i g. Grbić.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

#### **Ad. 6. Saglasnost za ratifikaciju Sporazuma između Vijeća ministara BiH i Vlade Ruske Federacije o međunarodnom cestovnom saobraćaju - predlagač Predsjedništvo BiH**

O Sporazumu je govorila, u svojstvu predstavnika predlagača, g-đa Plakalović.

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

#### **Ad. 7. Saglasnost za ratifikaciju Osmog amandmana na Ugovor o donaciji između Bosne i Hercegovine i Sjedinjenih Američkih Država za Program finansiranja rekonstrukcije – Program poslovnog razvoja - predlagač Predsjedništvo BiH**

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

#### **Ad. 8. Saglasnost za ratifikaciju Sporazuma između Vijeća ministara BiH i Vlade Ruske Federacije o formiranju međuvladine bosanskohercegovačko-ruske komisije za trgovinsku i ekonomsku saradnju - predlagač Predsjedništvo BiH**

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

**Ad. 9. Saglasnost za ratifikaciju Sporazuma između Vijeća ministara BiH i Vlade Ruske Federacije o trgovini i ekonomskoj saradnji - predlagач Predsjedništvo BiH**

Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

**Ad. 10. Tekuća pitanja**

**(a) Posjeta Upravi za indirektno oporezivanje**

Dogovoreno je da se posjeta Upravi za indirektno oporezivanje obavi u četvrtak, 21. jula 2005. godine.

**(b) Informacija o stanju bilateralnih sporazuma koje je Bosna i Hercegovina zaključila sa Republikom Hrvatskom i Srbijom i Crnom Gorom o reguliranju pograničnog prometa i zajedničkih graničnih prijelaza – informacija Ministarstva vanjskih poslova**

Članovi Komisije su bili na stanovištu da se Informacija stavi na dnevni red naredne sjednice i da se o njoj raspravlja u prisustvu predstavnika predlagачa.

**(c) Razgovor sa novoimenovanim ambasadorima**

Razgovor sa novoimenovanim ambasadorima Bosne i Hercegovine obaviće se u utorak, 12. 7. 2005. u 10 sati.

Predsjedavajući Komisije  
Hasan Čengić